

1955 – 26 giugno - 2019

LA “CARICA DEI ...NOVANTA”

Serom in tanti, quel dì de giugn, el vintises,
Quande serom là long e distes
Sul paviment del noster Dom
Insema al nost Arcivesc, quel gran sant'om
Che cont i so man el m'ha ordinà
Giust com'incoeu sessantaquattran fa.
E poeu, de corsa, entusiast e content
Dopo'na gran festa con amis e parent,
Semm andà in quela vigna a laorà
In doa 'l Padron el m'aveva mandà
On tantin presuntuos de la nostra braura
Me pareva che de nient gh'avessom paura.
Ma dopo tanti an, ahimé, l'è propi vera,
El mond el suta a girà a la sua manera.
Semm propi servi inutil, o car Gesù,
Ma con tut'el coeur emm fa quel ch'emm podù.
La vigna l'è tua, te set Ti 'l Padron
De 'sta pora gent vegh Ti compassion!
Num a semm vecc, me manca fin el fiàa
Ma per la nostra (la tua!) gent: 'scoltom,
sutarem a pregà.

